

JAVNO PREDUZEĆE  
ELEKTROPRIVREDA BOSNE I HERCEGOVINE  
SA  
PODRUŽNICA TERMOELEKTRANA "KAKANJ"  
PRIMLJENO 29-07-2022  
BROJ PROTOKOLA 2068-1/2022  
ORGANIZACIONA JEDINICA 02-3-6 PRILOG

Javno preduzeće \_\_\_\_\_  
**ELEKTROPRIVREDA BOSNE I HERCEGOVINE**  
d.d. - Sarajevo

Sarajevo, 27-07-2022  
Broj: 02- 20330-2/22

Na osnovu članova 25., 69, 70. i 71. Zakona o javnim nabavkama BiH ("Službeni glasnik BiH" broj 39/14), člana 3. stav 3) Pravilnika o uslovima i načinu korištenja e-aukcije ("Službeni glasnik BiH" broj 66/16), člana 95. Statuta JP Elektroprivreda BiH d.d. - Sarajevo broj: (prečišćeni tekst) broj: NO-2190/21-41./2. od 25.01.2021. godine, te člana 4. stav (7) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva - Prečišćeni tekst - broj: 06-14208/20 od 29.05.2020. godine, Izvršni direktor za proizvodnju, na preporuku Komisije za javne nabavke, d o n o s i

## ODLUKU

**o izboru najpovoljnijeg ponuđača po Otvorenom postupku javne nabavke uz korištenje E-aukcije za dostavu ponuda u predmetu "Dijagnostička ispitivanja generatora bloka 6" za potrebe Podružnice Termoelektrana "Kakanj" Kakanj**

### Član 1.

U Otvorenom postupku javne nabavke uz korištenje e-aukcije "**Dijagnostička ispitivanja generatora bloka 6**" za potrebe Podružnice Termoelektrana "Kakanj" Kakanj, po Tenderu broj: 2000034597, kao najpovoljniji ponuđač izabran je:

**MH "ERS" - ZD "IRCE" a.d. Istočno Sarajevo sa cijenom od 18.500,00 KM (bez PDV-a)**

### Član 2.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđaču i time ga obavijesti o rezultatima postupka javne nabavke.

### Član 3.

Obavezuje se Ponuđač iz člana 1. ove Odluke da u roku od 5 (pet) dana od dana prijema ove Odluke, dostavi dokumente navedene u tački 6.2.2. Tenderske dokumentacije broj 2000034597.

## O b r a z l o ž e n j e

U predmetnom otvorenom postupku javne nabavke, objavljenom u „Službenom glasniku BiH” broj 18 od 01.04.2022. godine, ponudu su dostavili sljedeći ponuđači:

- MH "ERS" - ZD "IRCE" a.d. Istočno Sarajevo
- Konzorciji: ELCOM d.o.o. Tuzla i KONČAR - Institut za elektrotehniku d.o.o. Zagreb, Lider: ELCOM d.o.o. Tuzla
- Konzorciji: GANGES d.o.o. Doboj, Elektrotehnički institut Nikola Tesla a.d. Beograd i Sanacija i ispitivanje metala d.o.o. Beograd, Lider: GANGES d.o.o. Doboj
- ETHOSENENERGY POLAND S.A. Lubliniec Poljska

Na osnovu Izvještaja o toku e-aukcije od 29.04.2022. godine i konačne rang liste ponuđača koji su učestvovali u e-aukciji, donesena je Odluka o izboru najpovoljnijeg ponuđača broj 02-12941-2/22 od 05.05.2022.godine, kojom je kao najpovoljnija ponuda izabrana ponuda ponuđača **Konzorciji: ELCOM**

**d.o.o. Tuzla i KONČAR - Institut za elektrotehniku d.o.o. Zagreb, Lider: ELCOM d.o.o. Tuzla** sa cijenom od 28.741,00 KM (bez PDV-a). Na navedenu Odluku o izboru najpovoljnijeg ponuđača, žalitelj **Konzorciji: ELCOM d.o.o. Tuzla i KONČAR - Institut za elektrotehniku d.o.o. Zagreb, Lider: ELCOM d.o.o. Tuzla** je dana 13.05.2022.godine, uložio Žalbu broj 86-2/22, koju je Ugovorni organ ocijenio kao neosnovanu, te je istu proslijedio Uredu za razmatranje žalbi. Također žalbu broj bb je uložio i žalitelj **MH "ERS" - ZD "IRCE" a.d. Istočno Sarajevo** dana 13.05.2022.godine, koju je Ugovorni organ ocijenio kao neosnovanu, te je istu proslijedio Uredu za razmatranje žalbi.

Ured za razmatranje žalbi, Filijala Mostar je dana 01.07.2022. godine, donio Zaključak broj: JN2-03-07-1-1464-7/22, kojim je odbacio Žalbu žalitelja **Konzorciji: ELCOM d.o.o. Tuzla i KONČAR - Institut za elektrotehniku d.o.o. Zagreb, Lider: ELCOM d.o.o. Tuzla**, kao *neurednu*.

Ured za razmatranje žalbi, Filijala Mostar je dana 01.07.2022. godine, donio Rješenje broj: JN2-03-07-1-1467-8/22, kojim je usvojio Žalbu žalitelja **MH "ERS" - ZD "IRCE" a.d. Istočno Sarajevo**, te **poništio Odluku o izboru najpovoljnijeg ponuđača broj 02-12941-2/22 od 05.05.2022.godine**, i predmet vratio Ugovornom organu na ponovno odlučivanje.

Postupajući po rješenju Ureda za razmatranje žalbi broj JN2-03-07-1-1467-8/22 od 01.07.2022.godine, Komisija za javne nabavke ugovornog organa izvršila je ponovni pregled i ocjenu primljenih ponuda, te je, na osnovu kriterija „najniža cijena“, utvrdila rang listu prihvatljivih ponuđača kako slijedi:

Osvojena pozicija	Naziv ponuđača i sjedište	Iznos ponude
1	<b>ETHOSENERGY POLAND S.A. Lubliniec Poljska</b>	<b>30.100,00 EUR (58.870,48 KM)</b>
2	<b>MH "ERS" - ZD "IRCE" a.d. Istočno Sarajevo</b>	<b>59.000,00 KM</b>
3	<b>Konzorciji: ELCOM d.o.o. Tuzla i KONČAR - Institut za elektrotehniku d.o.o. Zagreb, Lider: ELCOM d.o.o. Tuzla</b>	<b>59.000,00 KM</b>

Nakon provedenog postupka E-aukcije, u skladu sa Izvještajem o toku i završetku E-aukcije, utvrđena je konačna rang lista ponuđača koji su učestvovali u E-aukciji:

Osvojena pozicija	Naziv ponuđača i sjedište	Iznos ponude
1	<b>MH "ERS" - ZD "IRCE" a.d. Istočno Sarajevo</b>	<b>18.500,00 KM</b>
2	<b>Konzorciji: ELCOM d.o.o. Tuzla i KONČAR - Institut za elektrotehniku d.o.o. Zagreb, Lider: ELCOM d.o.o. Tuzla</b>	<b>18.931,00 KM</b>
3	<b>ETHOSENERGY POLAND S.A. Lubliniec Poljska</b>	<b>12.265,89 EUR (23.990,00 KM)</b>

- Ponuda ponuđača **Konzorciji: GANGES d.o.o. Doboj, Elektrotehnički institut Nikola Tesla a.d. Beograd i Sanacija i ispitivanje metala d.o.o. Beograd, Lider: GANGES d.o.o. Doboj** se odbacuje kao neprihvatljiva iz razloga što ponuđač nije zadovoljio zahtjev tražen tačkom 7.a) tenderske dokumentacije 2000034597. Naime, ponuđač je u ponudi br. 1804/22 na str. 18 i 19 dostavio tehničku specifikaciju sa ponuđenim obimom ispitivanja.

1. Unutar ponuđenog obima nisu navedene sljedeće stavke iz poglavlja 1.1.1. tehničke specifikacije G6-01/22-K od 11.03.2022.:

- poređenje rezultata sa rezultatima prethodnih ispitivanja,
- procjena stanja namotaja i izolacije statora.

2. Unutar ponuđenog obima nisu navedene sljedeće stavke iz poglavlja 1.1.2. tehničke specifikacije G6-01/22-K od 11.03.2022.:

- izvršiti poređenje rezultata mjerenja i ispitivanja sa prethodnim rezultatima,
- izvršiti procjenu stanja dijelova rotora.

3. U ponuđenom obimu nije navedena niti jedna stavka iz poglavlja 1.1.3. Izrada i dostavljanje Zapisnika o izvršenim ispitivanjima.

Na osnovu rezultata konačne rang liste, Komisija za javne nabavke ugovornog organa je ocijenila da je prihvatljiva ponuda ponuđača **MH "ERS" - ZD "IRCE" a.d. Istočno Sarajevo**, sa ukupnom cijenom ponude od 18.500,00 KM (bez PDV-a), koja je zadovoljila postavljene zahtjeve iz Tenderske dokumentacije broj: 2000034597, a sve u skladu sa Zapisnikom o pregledu i ocjeni ponuda od 19.07.2022. godine.

Iz navedenih razloga, donesena je Odluka kao u dispozitivu.

**Pravna pouka:**

Protiv ove Odluke može se podnijeti žalba ugovornom organu JP Elektroprivreda BiH d.d. Sarajevo, Podružnica Termoelektrana "Kakanj" Kakanj u roku od 10 (deset) dana od dana prijema ove Odluke. Žalba se podnosi u najmanje 3 (tri) primjerka.



Izvršni direktor za proizvodnju

Mr. sci. Samir Selimović

Dostaviti:

- Ponuđačima
- Služba za komercijalne poslove
- a/a